

佛要集經卷上

ll



清刻龍藏佛説法變相圖

不能修立佛自念言吾欲示現如像宴處不 言不見如來不聞正法不入心耳心不思惟 念言衆人患厭所宣道教不肯復來咨受法 身口意定總攝三世獨步三界開化衆生應 各往前佛雖欲聽經不能專精厭所講法各 各忽忽多所慕求追逐五濁以為事業佛心 病與藥各令得所文殊師利彌勒菩薩等復 土北有山名曰因沙舊做百年與大比丘衆 聞 有諸天八萬四千悉志佛道爾時四部弟子 俱比丘五千菩薩二萬皆不退轉不起法忍 現形到他方佛土與諸佛俱宣講諸佛之 如是一時佛遊摩竭國奈叢樹間於其鄉 西晉三藏 諸佛世尊會於何方輒 法 蛳 法 阿須倫

無能作威動移如來無上至真之所

難勿有此言如來至真不須人護令佛觀察

天上世間諸魔梵天沙門梵志諸天人民及

建

難旣弱

劣無神足力離大德鎧神變所為

不

徹身形微妙心意叵見往來周旋不能將護

佛大聖垂思有尊巍巍神妙諸天其威洞

白

與非人若有來者解喻其意勿令入室阿難

天龍神阿須倫迎留羅真陀羅摩睺勒人

佛告阿難如來當入因沙舊室宴坐三月

號天王如來至真等正覺現在說法諸

佛會

去是八萬四千億諸佛世界國名普光佛

及目連大目連者如來咨嗟神足第一飛到

方無所呈碳獨可委付護於後事佛告阿

衛者又若阿難若有比丘比丘尼清信士清

立也汝且黙然如來在衆能自將護不

須

身難得經道希有如來與世劫數時出能 汝當為說如是道教法難可遇了義亦難 勒人若非人來到爾所如來至真而在宴坐 如來所宜經法出家為道見善師友能從 女諸天龍神阿須倫迦留羅真陀羅 信

天龍神 則最難矣佛告 通發心已尋能奉順隨佛之教究竟菩薩是 值若復有人愍哀衆生而發無上正真道意 報恩又勤學問遵持經戒至死 講清淨法此不可得心好於施若遭眾祐 受精進受樂亦復難遭若復蒙親明經比 佛教為宣如斯如來至真無數方便隨 經法當為宣傳如是法教佛復語 於供養受能淨畢是亦難遇假 阿須 倫等人與非人來到爾所欲聽 阿難如來宴坐四部之衆諸 使孝順反復 不毀是亦難 阿難汝承 丘 受

七 九

能

獸 於 石 阿 神天地 棄 諸天奉事鬼神 於彼 捐 鹿蛟龍承事若干殊異魍魎是謂邪見 非 E 何謂邪見謂禮 法 月東西南北 惠 邪見汝等承命 枯骨朽木山 工止斗社君蟒蛇鳥竹木山樹江河泉源恒他人妖傷之術敬 淡等承命修正真教

謂邪見舉要言之當復為汝說彼邪見若族 復 乗若欲得佛當取滅度是悉邪見復次 如來至真在於宴處當為解說如斯法 姓子及族姓女自起妄想欲得聲聞緣覺之 在 次 經 淨好於篤信多所 於三界不 阿難計受吾我著人壽命斷滅計常是 歷處常 當慕法義樂於法樂以法為上 取 嚴 能 疑 飾 應 唯 解 時 忍辱和 脱慈 歡光 歸 於慧不 慚 悲喜護行 炮 雅 音護行四等心 謙 取識著唯 遊下意但 要汝 念 阿難 修

修經經 十二 除 諦 諦觀十二縁而致 因緣起設無因緣 不 以是 脫 無所生其真諦 者若以心聽計 正行為衆說法 不生念是為審諦 計 所誓當為衆生說十二 諦 觀 :吾我 妙法 牵連 不 之故名曰聖諦真 應不應無舉無下諦則為 無言 十二縁起察其根 取 修於 忍所 綺靡唯歸正法不取於人教 老無所 辭 諦 言解度謂三脫門勤奉空行 無所行 無相棄捐 於 者實為真正 何謂聖諦所行誠信其 此難 生無所 則無所起亦無所滅當番 聖諦無誠無欺無誠欺者 觀 子二 當 諦 (諦之義是謂誠 源 生者 因縁 縁當 云何觀 希望遵行無願 不 而奉行之 造 為離 業諦 不 復分別賢聖 切諸法 諦 欲諦 起 阿 難 /彼若| 法 無有罪 無 忽若 令 聖諦 當 爲 信 歽 從 失口

汝等精勤歸四意止為諸衆會班宣解說三

想此乃名曰還

入徑路又復阿難說法若是

護意因說平等性已平等則於諸法不懷望

正治六日正方便七日正意八日正定以此

日正見二日正念三日正言四日正業五

日

至無所至而取滅度是為名曰八賢聖路一

日為三脫門諸過去佛及與弟子由是道路

二業善不善法入一品門求如是路是則名

除三界若有比丘應時思惟而觀察之欲界 若干若為說法能 空無有三世亦無所住過去已空當來亦空 色界無色界者心想所生其思想者亦無所 空亦如是三世空名曰平等入於一義無有 現在亦空亦如空空無空亦空知三世空人 無住墮在顛倒是亦本淨一切諸法亦 世平等何謂為三過去以滅當來不現現在 有天龍鬼神犍沓怒人非人來當爲講說三 是道品法所住順義又復阿難如來在宴若 字如來以此建立諸法是 以文字以等故等假使阿難比丘等知文字 不生不壞若 七品若住順義悉達自然假文字耳若等文 七品道行之法使立法教何謂於彼 有說者不說亦等不增不減所 除三界乃為安耳何謂能 諸文字亦自然 復悉

惱患在於苦痛不集諸行斷於因緣因緣已

慧令苦不起至無所生是謂苦諦若遭

以故如來說如此法賢明弟子行於無為欲

不起不滅悉無所住無異衆生是謂賢聖諦

度諦則無為諦假使阿難解一

斷是曰棄於集諦矣若能永滅盡一切苦長

無所生是謂盡諦

何謂道諦若修道誼不為

晓了

六 ٨

乱

龍

倚 盛 為五 得 行 入義者吾不 自 竟不墮落 Ξ 相 法 有 隂 脱門 說言教告修行 女中 如 明證又復阿 願 所 無 其 、芭蕉心 色痛 不受無 **派作不作知** 耳色界亦無無 來常說色如聚沫 何 則 建 無 無處 謂三 慇懃專精 立 所 想行 不 亦 有 識 解 隂 言十 所 脱得至明證 不誓願不思不念皆捨心 3 聚沫 如幻 一識是為 難 假 有一亦無若干是三 了 三界已無想不想無 使修行 當為 切法皆當歸盡不入於禪 者 不 而 色無 佛 即 常作 無我無 修明 光 啓 痛 說 五 處 此 踰 隆若 比法使去 解 八證奉三 癢 處於閉居當 不捨平等 日慧越 不 欲 觀 人壽命以是 如 著三界 如來所 心想如 帛 受 如聚 五 此者 一腕門 隂 虚 腉 暢 進 其 空 沫 講 野 何謂 門 則 空 念得 於諸 作 無怠 是 親 馬 為 12] 而 無 此

命之 不復處當我 佛語 法 身 者 之 芭蕉識 捨 法 是 入 阿 故 不著三 假使本淨空無諸入則無到軍事人 處 法義 從思想生外諸 何 何 難 本其觀 當 切諸 悉聞 謂 謂 阿 設 難 佛 復 如 外 無 内外六入如來常說其吾我空 奡 幻 法 如 六 眼 說 建 無人 來 入 五陰 無 化 法 人壽 法 威 耳鼻口身意無因 其 於一 有處所 其 宴 分 神 别消 衆生悉如聚 命其了 顯其變 餘衆人都不見聞 六入 如是無處則 47 **坐若** 切 亦空不著三界若 不習諸 有 法 除内 則 化若 悉 實者 無 來當 外六入 無 所 縁識 有應器 無五 所 入 亦無 沫 倚 則 爲 受 其 水 無 覩 具 解 亦 隂 無 我 泡 47 海無 處 又復 說 無. 分 野 内 紬 化 滑 别 者 六 如 所 所 以

持詣

石室為佛敷設

敷本具其數甚多設著天

難白佛當施牀榻布令細輕用錫草為佛告 皆用獨草以為座席不以柔輕服飾重坐為 尊教阿難已復告阿難汝詣石室當爲如來 然口無所說講是法時五千比丘漏盡意解 時無數百千億天人各取天衣敷著草上所 天各取柔輕天上好草著阿難前阿難即取 座起捨於聚會出外求草應時無數百千億 住快也修順道法乃為大安阿難受教即從 阿難且止且止諸過去佛如來至具等正覺 布其座席唯用勞草如來坐上三月宴處阿 丘尼得阿羅漢七千衆人得離愛欲爾時世 四萬二千天子遠塵離垢得法眼淨三百比 神變所敷衣高四寸耳佛從座起入於石 獨草之座敷設適竟應 、下不能悉受佛之 如水精三千世界諸有衆生德本純淑悉見 變身詣於天王如來至真等正覺所至普光 繞室三币忽然不現天所散華悉覆山間化 見佛威神神力變化二萬二千天子皆發無 世尊三昧其行永定無住無業自然如空行 慈心相向如父母兄弟如子如身等無有異 癡不壞自大貢髙嫉妬亦無勞倦聞訟之患 之光悉為覆蔽當爾之時一切衆生除婬怒 掌百千億光其光曹照三千大千世界日月 如來坐於石室循如明鏡見其面像佛演 積至于膝佛適宴坐三昧正受化其石室皆 為佛寺其香普周三千世界莫不聞香佛便 上正真道意各取天華散於石室以供養佛 無望想三千大千世界六反震動應時佛土 室無量妓樂不鼓自鳴天雨衆華大千世界

六八三

£

撤

衆生不往見佛不肯啓受旣有所聞不聽不如來至真彼土若斯婬怒癡盛自大憍慢反世衆生難化故皆現詣天王佛所亦如能仁世界爾時十方江河沙等刹土諸佛因五濁

愚懈怠放逸不 為衆生發去覆蓋諸佛大聖則是法王德過 諸佛要集經典之義如來至真滅度之後當 行已備無所復進最後究竟愛愍衆生故名 更化變形詣曹光世界天王佛所講說分別 入不思奉行 義故合要集法于時於彼普光世界不可 佛要集何 彌智超江海道越虚空不可為喻用一切 廢迷荒! 纏綿 謂諸佛要集諸佛世專所戴衆 以故諸佛善權方便而坐 順法 **蔭蓋不免三趣諸** 教復受經法 佛世尊見 鄙 等何 宴室 故

名其

命所說

亦無所

有一

切諸法及與

名號

言曰諸法

無

言

一切諸法本淨則空無有其

皆亦自然悉無所有是諸佛要集何謂為崇

謂爲崇何謂爲遵一切諸法悉爲一法此諸諸佛要集則如真諦遵崇諸法何謂諸法何謂諸法何以嚴身光曜善照靡不通徧故謂善光何謂於嚴身光曜善照靡不通徧故謂善光何謂光彼土純真無有聲聞緣覺之名皆諸菩薩計會無數諸佛悉共集會其土何故而謂善

種諸入無有斷滅亦無有常無有堅固是故何其無法者則無所生亦無所起而為說法何其無法者則無所生亦無所起而為說法不外長存以假言耳内有六入外亦六入五次,其無法者則無所生亦無所起而為說法治者亦無有法亦無非法亦不可說所以者謂為崇何謂為遵一切諸法悉為一法此諸謂為崇何謂為遵一切諸法悉為一法此諸

無愛無處無寂

不寂

不應聽

不

細

不長不短不

不彼

不來不藏不得因緣不安不危悉不

耳

無來無

往

無得無

不得無有將

往

亦無還

反

不

jĒ.

不

邪

不聞不見無念無

知不恐不懼

為崇是所崇者謂入法城一

切諸

法

假 有 號 宣平等亦無想念無近無遠亦無足迹故謂

生

巴所崇者無聲無寂

無能墮落亦無退者

諸勒

助則無有底亦不無底不起無生講

本淨謂志憺怕

亦

無所

生捨

離所生及無所

無所生崇於無欲崇於真諦 無被服不可見親為究竟盡故 不取當來無我無所諸所受業 法界崇於本際諸法悉空崇此 無所習行無行不 暁了 起 來今無慧無不慧不衆不寡無音無言亦無 有處不無處不 所念無量無守無護無所呼來不度彼岸不 不 養不 亦無 眠不 所行 思不 無所 斷滅不計常不失不得無去 想不達 興廢 亦 不念無有限節 無 蠲 除 不

真諦

切諸法皆無所住

行威儀禮節

謂崇慘怕

悉

於無本而崇

則

無君主亦

不

可盡

一假有

文辭其

無盡者則無所生其為

想無 命不戒不犯不忍不諍不進不怠不所不無 近 所 願 所非不清非無清非 不 不 不 不 墮不落不染無不染不忘不念亦不 講名號等如虚空無甲無不卑不教 無禮無不禮不希名稱亦無吾我無人壽 憂感無思無不思無應無不 調 不 入無恐無字亦 不寂不滅不等不使灰盡 雜 不 想不 不 作 動 無 不 不 捨 作 夲 施亦 入文 空非 以 無 不授 殃舋 無空不身不 不 動 不壓不 < 亦 不 應無雙無隻 初 揺 不 不 除 不遠 離塵 與之 無身 罪 14

扎

八五

腽

是 少不 想 光 所 遵諸法常住 相 志願 報 除 謂 處 陸 法 明無底不 北 游 生是 不著不 行者等於三 起不 毀不 不見住 所是 若不 為遵 地 相 不 住 不 無 在 斷不 如故法 想報 懷希 入法城 退 何謂 底 不 爲 處 愛壽命無人無教常當講說 脱不取無不 轉 住 無 此 法 念 斯 則 為法 於法界其能 際 望無不希望設無所望亦 不合會不 中 是故 世則 過 謂 其不入者著菩薩字說 界亦然法界住者法界 除 不 不 去 彼岸不 為崇是 往度 所名法者不念於法 無言說 如來演此言教 不想當來 切望想不 取 斷 無 彼 奉行 不虚空無不 能 佛要集何 不 不 壞不 不此 度者 用 造 ネ 如是法. 多不 還合 住 住 不 不 佛 動 臨 現 故 謂 在 爲 無 空 不 興而 無 迹 者 爲 捨 無

精進 於道迹往 慎 謂 然 捨 因 意止四意斷 以當棄捐姪 惟受諸五陰 依 不淳於彼 十七品縣 言我當成 倚所謂 汉 有身因 JH. 守行建立 于 何等故 除解 怪食 故 걘 為 曰 諸 緣 怠 名號心思稱量觀察本 師 佛 明四事滅盡塵勞是為聲聞名曰 來 施 何謂為寂然者行菩薩無發大心 誻 名 法 逮得 垢遵 四大諸入我當勸助開化三界 忍辱刈其瞋恚為柔輕 慕求道慧於此 怒癡名奉修道教證三脫 不還 以 四神足根力覺意至於八道三 日為法 法 寂 見名色思想處所言辭識 然 修勤 财 一心從三昧 至羅漢道吾當思念修四 淨 何 致寂 謂 7.00 處 其禁 無 然者 統計是 於開 所行我當布 戒 起 斷 念般 居修 末意所思 以 於衆 我所 純 **松行當修** 門致 淑 鉄謹 於正 自 喻 午

若

金剛

何謂發心如金剛者菩薩發心有十

菩薩心者堅固其志於此菩薩當發其心猶

初

發心

因得

逮

致無所從生法忍又初發意

而無有心其

無

心者

則無所生

無所生者是

等心加於衆生四曰我皆當度 謂為 佛滅度而滅度之五曰度衆生已亦無有人 死之難二 進一 了一 至減度者解一切法無所生故六日分別 事行為若 其慧普入靡 若波羅蜜不應度世或有行度世般若 亦有度世檀波羅蜜不墮於俗持戒忍辱 不起無想又佛要集謂當奉行六度 集佛言菩薩復有發心皆於三界不起衆想 所著是為菩薩發心十事心如金剛是佛 門十日諸所愛重無有增減不以食惜斷諸 心般若 六有俗 切諸法七日常加精進無所遺漏八日 曰一切所有施無所恪三日常有 金剛 波羅蜜亦復如是或有行俗 檀波羅蜜没 所不達九日 何謂為 十一日遊 於 具一切智了入 八世俗 一切衆生 於無量 不 應度 無 極 何

為處

所一切望想諸所受取敢

可施行無有

此法是謂純

淑寂然之無其寂然者斯謂爲

發菩薩心者謂無從生所

以者何於一切心

法是則名曰諸佛要集佛言復次所言諸佛

要集則是初發菩薩心者言教之謂何謂初

業佛十八法諸力根

本四無所畏分别辯才

多所暢達菩薩所說建立

應念出入進退是

滅度究竟佛慧學諸佛事宣揚如來十力之

伏衆魔則轉法輪度脫人

民以佛無爲

而 令 切諸

佛

由

般

若波羅

蜜生逮成

佛道

降

蜜奉行其義智度無極

開化衆

生

以求

佛

六八七

能

吾我二 聚外諸 養 象馬 何 得安隱作是 行檀波羅蜜今所 窮乞勾不安已者飢者與食渴者與漿車乗 於是菩薩廣 見受者而 不應度 爲三一於是菩薩若 生之類逮 放人受之我為 度世檀 施 牀 計 所有若 B 2 於 計於 世 衣被 他 俗 波羅 何者 有 施者有三著礙何謂 此 人三 宥 何 勸 吾我 所 金 干種 謂 所 一爾乎纏 施者 計 助 施 蜜不墮於 銀珍寶妻子男女國邑墟 取三有所 施 爲 今我所 望想 主無所 倚 物無所愛惜悉能 供 俗 給沙 布 以反施心 其 檀 施 綿 施 所 波 · /施當使衆生永 /施心願及一切 貪惜 施 時 俗 在 是 施 門外學梵志貧 羅蜜 未 能 不 俗 爲 今 得吾我 爲三 淨三 不得 以 我 曽望想 俗 不 從 檀 所 應 밁 度 佛 惠捨 波 出 度世 計 教供 何 故 羅

切衆 求選 勸 雕 羅蜜不應度世雖已持戒不計吾我不見他 佛 法行若復開化若干弟子因我得度我當成 無所著是曰 則 故是 於 墊王者典籍神 蚥 俗又諸 何謂 度衆生悉了本無忍辱精 救 則名曰度 助 如是無所著者則應度世有所著者則 E 法亂禁悉等濟之不捨生 於無上 度世其無吾我無所 生若施衆生不見受者而 濟衆生自計有身不 報 也是 在俗謂五盛陰之所覆蓋能拾 世 間書 度世若已受戒謂 世檀波羅蜜所以者 正真之道彼不察見 謂 爲三有菩薩施 仙 之業所學智慧而 疏 術 **呪章句**筹計 想念心 解 本 進 死 無是俗尸波 有 一心 他毀禁不應 以 不 無所 何得 所取 用 所 智慧 倚 有希望 Ŧ. 勸 取 度世 食法 經 無 倚 則 此 助 悉 用 五

修學第一住者有十事

法

何謂爲十一

曰 凊

聚生四日好喜布施救諸窮乏五曰親近善

友諮啓不逮六曰習求經典開化所疑七曰

和其性二曰愍哀哀諸有形三曰等心欲濟

想修治其地不見處所何謂修治其地菩薩

有去一切諸法亦無所失不念道地亦無所

云入者於一切法悉無所入諸法無來亦無

復有十法何謂為十一曰習在問居志常 常懷悅豫五曰不捨一切衆生之類六曰行 住於羞恥常懷慚愧是爲五法菩薩行四 本勸助佛土 三住有五法何謂爲五一 無極哀未曾忘捨七日奉敬師長視如世尊 德三曰得住勢力忍辱為本四曰遵修恭恪 奉戒清淨而無點汙二曰常修孝順念報恩 薩行二住常 當慇懃奉行八法何謂八一 曰 常奉誠信是為初發意菩薩所行十法 靜二日知其限節心在止足三日棄捐 八日精進務求諸度無極是為八法菩薩行 形 數念捨家不慕居業八曰志求佛身達之無 九日開闡法施以示不及十日 開 四日患狀無量生 闡 顯 施離 衣食法三曰 日求於博聞 死之 蠲除自大 難五 所 興德 又菩 調戲 而 日

菩薩悉逮得無所從生法忍三千大千世界

佛要集者謂菩薩地所入之處何謂為地所

六反震動天雨衆華其大光明普照十方又

羅蜜是佛要集說是語時天王佛國七那術

不

以為慧暁

空無

相

不願之法平等三世無

是為墮俗般若波

羅

蜜若

於俗

間有

所希望

去來今等於三塗解法身一不在生死不住

滅度開化一切普無所住是為度世般若波

六八 九

能

能

所習德本以施衆生是為十法菩薩學五住 欲 勇不懷怯 切所有皆能惠施心無所著八曰其心常 處 調 29 和 曰 常 地 弱九日一切所有無所愛惜十日 六 順 日而發其心永至成就 禁戒未曾毀犯 五. 曰 猒 t 五 曰 所

切 習六事何謂爲六一 婬 之意八日常刈四 **慣開聚會之黨五** 復有十法 曰不自歎身不毀他人七曰除於十惡憍慢 司其心明了不慕緣覺三日其心不捨 衆生四曰見乞求者不懷怯弱五曰未曾 順惠愚癡十日去於墨礙望想之著是為 法菩薩學六住者當具六法諸度無極 丘尼三日棄 何謂為十一日捨於家業二日 捐 倒不順之教九曰前於貪 日而釋瞋志聞 種 日其心靖然不求聲聞 姓怪嫉 之念 四日 離 逺 於

順從六十二 事何 十 而 計斷六不計常七不望想八不計報應見九 不計身二不計人三不計壽四 塵勞穢寂然觀地其心調和志不懷害不染 宣一品義蠲 觀諸法明解 淨修三場常懷愍哀慈於衆生 無 大十二不依於衰入十三不箸於三界 不見名與色十不倚 為六法菩薩學七住捨二十事何 所作 惡不親近十五永安無所著十 日悉知本無不希望道 謂二十曉 愁感之法六日不慕髙處綺飾之座是 ナセ 見十九悉解諸法不誹謗空二 常不著佛乃至究竟十八未曾 عد 除衆念去諸望想捨諸邪見滅 了空行 門無所從 於五陰十一不貪於 明於 生法忍無起 以行此法具二十 無相 不計 不 分别 調二十一 計衆 六於無異 命五不 + 四 四

如來至真若入此住處其地者乃謂諸

佛

姓眷屬在家出家坐佛樹下

莊嚴道場一

切

勲具足

佛法

靡不周悉第十菩薩則當名

而

為

統法

從在胎中悉曉

了

知及生

堕地

種

勤

人

與

非

所說言辭

萴

火

辯才隨其音響

無脱 解 生其順門者宣揚諸法調定降伏其縛門者 諸法輕慢之戒及恩愛根 從一切法而發起之其處門者於一切法亦 本其如門者曉了無本不 其清淨其大門者於一切法無有罣礙 離號字其名本淨無逮無失其輕門者悉度 無放無捨不没不生其名門者一 者宣暢諸法究竟本末其行門者一切諸 來法無所生故諸法欲門除所著故其度門 室門一 無所處不懷憂感其作門者不見諸法 之道 說亦等入於文字所說室門 切法令與寂寞其焚門者燒除諸 其趣門者 地 切諸法悉為室門以 也號 佛要集又佛要集等於文字 斷除諸法 所歸音響不 進 報應因緣之所 不動其隨 何謂 何謂文字 切諸 室門令當 所 PF 捨 法 無著 法 핡 由 诰 談 無 炒

龍鬼神

捷沓恕阿須倫迦留羅真陀羅摩休

學善願之本從

其所誓輒得成就識別諸天

生五越逐而解之是爲四第九菩薩當分別

其衆生好喜應脫而濟度之四察於衆生所

示之二嚴淨佛土慇懃精學如幻三昧三

從

佛

四

一日心入衆生以神通慧而開

化之二

見

結著是為二十第八菩薩當行

四法

何

調爲

四法

受不及四旣見佛身觀而審諦是爲四復有

一具足曉了衆生根本隨其所好而為

土空所觀覩者令速究竟三稽首佛身容

九七

能

門者 者 者 其受門 諸 者 所 諸 種 悉為寂 法皆 事 諸法 常 不得 其闡 法 法 性 行悉無 無 切諸 令度彼岸不見彼此 其 住 入 垢 切諸 八等門者 悉 在 動 及一切法意得永 靜 諸 者 βg 則 憺 無 盡 法 法 攝 者 1% 不 生老病 法 能 能 皆如虚空無 怕 隨 雖 而 念 計 取 無應 靖 遊 不 午口 摇 誻 時 不 於 於 諸法 者其慧 亦 寞 退 捨 法 諸 興)轉悉亦 之地 顯諸 無 無著 不 死其 法 而 切 應 蠲 法 不 不 以 而 除諸 度與未 农其岸 門 本 亦 失口 離 思 可 奉 經 不 其寂 無 無患難其虚 門者 無 者 末 者 得 垢 永 修 合 思 滅其住 垢 無 因 平 其 志 穢 其蓋 散 無見 任其 從 PF 法 門者 於深 度其生門 本 切諸 門者 其 者 末 曠 而 慧 其 其 盡 門 妙於 Pg 無 切 斷 者 79 阿 切 法 法 無 疵

數門 門者 門 足 固門 其差 處 始 者 無下共立 去 念 於 門 者 解 者 無六無度 遊 其無門者 門 亦 悉達 皆於諸 者於 門者了 無有 不採 誻 切法 者 者悉於諸 者 知於諸 切法 法 而 阿者 皆由 諸 於 去 生 無 諸 綇 法 切諸 諸 法 於諸 雞 無 示 應 在諸 法 3 度 法 覆 如 团 法 解 有 不應其具 ___ 世等計 其邊 解散 八無所 切法 不舉 法 空 消 蓋 法 午 聲 五 捨 雖 而 法 化 使 堅 隂 際 處 住 所 雜 起 所 周 無 如 Ēή 於文字 空無 恐懼 徧 門者存 生諸 强 起 來 而 住 生 放 謂 斷 永令滅 無處 無響水 不 無所 無 逸 滅 揂 無 念 緣 棄 而 所有 去 所 有常之計其 如 無 虚空其陰 生衆苦其 不忘其 無 於諸 捐 肵 起其響門 住 不 疫其消 無有 能 馳 離 除 數 立 騁 諸 無 文 不 辭 髙 其 具 坐 其 所

此文字室印門迹若聞若受執念懷抱為 所由次第遠得聖慧音聲所由 無者暢入於空其能入此近菩薩 總持所聞悉持未曾忘失十除諸疑 衆人不懷增減十三言辭柔 不怯弱二意念常存不為恍惚三能 無瘡病不為文字之所緊著分別諸 逮六意能覺了靡 四其心堅强不懷贏劣五志在 不懷沉吟十二所在 辯才之辭 除二十衆結一其志 假 無 不 使菩薩 **終持計於** 和 通 滞 無 達 礙 遊 網 + 居 九 智 獨 無 法 他 入

强而

統心不墮落則能蠲

步無所忌

難

字解

敌

諸法

如是由

此

而

有是入總持

談

語

不

執

所

向

無書無

謮

所

以者

何

於言辭

亦

無

所

有

亦復

無名

慧巍巍

莫不蒙曜

羞

事心

慚

愧不

有循豫

+

通達

見心 벩 疾 居 受女人身二棄捐衆難八 持諷誦適 正真之道說是文字室印之門若聞若受奉 便 尊便生恱豫 靡 隨 九 首十 五 而 陰品 逮 常 常安詳十 成 解 ネ 時 知處非處限與無 爲說 得立 得開 通達曉了諸法 了羞恥執堅牢劔所可遊入興發無上 無上正真之道是佛要集又問 開 西岩 四大諸 化二十識 不 經 得聞之致十 閳 暇 典七 退 五其心亘然供 六所 不 懷 轉 言示 九暁 聞其 忽忽四 報應因緣十八剖 住 别 知人心念 限暁 明了 進 火 功 退 了空慧逮無從 常 不 勲一世世所生不 感 出入之事威 分別音響十七 了智慧明 養大聖六如來 軱 值 開處三所在 則奉行公 佛 而爲 五 世 性 判諸 統法 適 何 解 不 見 訚 生 儀 善權 遊 法 世 禮

六 九 Ξ

能

龍

吉 等佛 亦非淨畢 無好 無有身亦無 世 不見法不 瞋 又 法 無常無處 真諦法解 解解 亦無所 而無所 計佛者未曾覺成遠最正覺不決諸 想菩薩 恨 要 得 不得 亦不 無有經典及與法界佛不出現亦不常 集 諸 佛 者等於三世嚴淨三場遠無所 衆祐 道亦 宜 佛者乃知無言初不演音於當來 聞不念亦無所教尊無所說亦 不解 取證 爭入無等倫無行無步無相 不 無住其三乗者歸 了三界暢經怒凝自然無樂 示 形體莫觀如來有色身也無相 遠慧亦不無慧不合塵勞亦無 教人 不縛一切衆生本甚清淨 無所失無法無衆佛不得 不得 之德佛不飲食 說無慧不 不 礙亦無所 チー 慧佛 不 施人食佛 門 行 非 通 不 衆祐 無比 無 達諸 生 住 法 不 無 佛 佛 平

悉速 無聞者 永滅 非一佛不得 若干億佛但 佛 者欲以愍傷度衆生故佛無要集亦不 終亡不行醫藥是佛要集所以宣傳佛 無偏 音響無異去來平等其平等者則無偏黨其 利 亦 還佛如假號計如佛者音聲亦如過去當來 存未曽滅度亦 等諸佛世尊悉來集會東方佛土天王 住 要 不講論要集之義天王如來講說於 黨彼無無量其無無量彼無終亡其無 忍世界心自念言今日十方各江河 得 集經典義時普光世界萬二千菩薩皆 度 無有 無 故 所 佛 覩 從 道不求處所 供養計諸佛法無有若干 不 生法 獨 一佛天王如來於是文殊 無所 立 忍時諸菩薩都 不處 滅 所 大衆無 不轉法輪亦不退 以者 何 能見佛 切諸 不自見 分别 亦復 所 沙 亦

問

E

卿不供養於如來乎彌勒答曰吾不供

以者何如來至真不可供養本無如

任

親形聞音又文殊師

利莫以色像觀諸

如

會者道德巍巍不可攀喻身不能見亦

不

堪

者

心欲往便

可進路吾不行也所以者何諸佛

處難可值

遇彌勒菩薩答文殊師

利日仁

共聽受并見諸佛所以者何諸佛世尊皆會

百千億截悉會于彼俱共班宣佛要集法

不可再遇難可見聞文殊師利

報

日

可

共 俱

往

詴 天 £,

佛普光刹

土無央數

佛

值

誻

見諸

班宣

佛要集法吾寧可

往詣

彼

佛恣受經典吾常周行

來佛者法身法身叵見無聞無養文殊師

利

| 七・三九七

為未曾有如是比像無上聖士顯出於 佛聽所說法於今悉集會一佛土是時難 至於十方稽 彌勒菩薩 世 界 世 首 乎彌 奉戒是為毀禁妄想彼此斯謂為二此為聲 此塵勞是懷 則 無有若干所言無二不 無二 勒答曰其無二者謂 故文 殊 瞋恨與如是輩生滅之見此 官市 利 又 謂 造二業何謂二業言 無所 所言無二為 著 不可 穪 何 為 載

褈 大 諸 諸法皆無若干文殊師利 講 退上至計佛則造二業我於一 當除此法奉行其法證明其法此爲二分別 斯為聲聞為緣覺為佛懷 聞是為緣覺斯平等覺妄想如 其慧其不解慧假使文殊念持二慧志在 顛倒 辭反咨嗟身我於一劫若復過劫辯才 說諸二所 二者而無有二敢 切諸法悉無所 演 辩 才 可班 而 無窮極 答曰 生强 宣皆入一 如是 劫若復過 想 是 郷 為分别若干 所 以者 則 身今者墮 則為造二 義 日爲二 二切切 何 進 劫

六 九五

컱

來至真 見 法實無 何 可 真不可得 聽受所說 薩諸 窮 如來 等 見向 盘 族 朖 者文 無去 鹳 平 姓 所 見何 女口 辩 子 女口 生 答曰 來 積菩薩 傎 來 殊 來 相 ,因仁者而 共往 **今**計 平 部 不 因 何 在 可 肉 利 其文字言有 動時 眼有 三世 報 至 而 天 欲 見 此 丈 發此 法皆悉空無故 教言往見 見 殊 文 耶 王 爲 耶 佛 殊 節 教當共 曽聞 用 利 師 所 所 天 見 利 著 日如 眼若如來 諸 謂 佛 來 俱 餘菩 如來 詫 往至 以以不 如

> 皆度 現身 無 其堪 空 平 形 謂 等 任者可 而 而 此二事悉平等矣如來無言無本 此 切 有规 之謂 數 共俱進不肯者已吾當獨 也如來無言無本 導 佛者 亦不 師 住於色 無色會 故 現身 亦 欲 無轉悉自 不著有 以 開化衆 無轉 往 然

諸 佛 要集經卷上

見若

以

天

眼

於

天

眼

無有

想念

不

以

想

念

計作

肉

眼

肉

眼

無

見

所

以

者

何

肉

眼

|故空

無

所

主空

可見

如來

文

殊

部

利

告日

如族姓子

今者

所

無有

女口

來

亦

無經典

八無見無養

女口

辩

意

來積

趣云言寧可講

說分别言辭

諸

佛

如

生

往

來供養奉事悉假文字字自然空

以

利 (解許消芭 輒 釋 割牛也觀切比忽質 也制 切芭加然法 切仂蕉切也切 靖力大草蕉蛛 安疾同直名即大母 心部 切 憺 姚朗 切蠲 怕也切 贏潔生切倦 蛟 弱力除玄儋徒無居 也追也切怕覽角看 切謝安切日切 吉渉靜怕蛟龍 柜交也薄 類 調切 各 盐 也以疊

以

諸

佛

法

不

可思議巍巍無量

西 晉 = 藏 法 師 竺 法

八是文殊 師 利飢 虚 於法而 無 厭 倦獨 2

於

如 侣 伸臂填 佛神 所 須史之 制 使彼 衆 間從忍世界忽然不 會無一從者文殊 飾 現 至 利

大普光 跌時 分 天王如 坐以普月離 千世界至于七 自念言文 王天 來右 王 佛所 殊 面 師 垢 光 有 币 於 利 稽首 諸 明三昧正 時 一女人名 佛 文 諸佛却住一 所嘆深入忍 殊 師 受 日離意結 利 〈時天王 皆繞 辱行 面 爾 佛 勋

深妙之法 於空慧無 越當退立之 忍界興心 **冶當為將** 念來墮 能 鐵 逮者空靜寂 圍 大顛 來 بلر 頂 諸菩薩衆顯 由是之故令講 倒 次算以為 極受吾我而 大光 功 勲 無極 有 眀 仐 所 所 從

其像三昧 所說法以 天王 空常 言諸佛 立於 觀 光世界宣 所 鐵 威 頂 十 可 此 與變文 方諸 文殊 變於大衆會自然 神 於 逮 圍 一如來 今住 鐵 彼自念今何 Ш 殊絶處諸大 典 師 殊 佛 頂 圍 告文 於 法故舉請此佛土天王如來 世甚難得值講說 利 殊 誰之所爲尋即 延 佛要集法吾當往請見諸如來 不 師 山 受而 鐵 頂 可 利 曰 韴 殊師 痲 唯 圍 博 不 利 、聖嚴淨道。 數億 然世 變性吾在大衆巍 聞 復 自覺 現神足移文殊師 山 利 頂 第 住 自 | 尊我在 百千 日來 念言 此 鬫 知 道 離 乃 午口 誰 載悉來 經法亦 意 至 ₹ 為 發 此 場忽至於此 於此 奉者於 忍界心自 天王 起 何 女 瑞 殊 **発難** 集會 一如來 復 欲 切衆 坐 利 應 女口 難遇 於 自 何 而 业 普 念 生 如聽 所 住 有 4

七

能

敝

蕞

歩 惟 諸 央 勢 神 於 逺 其 師 於將 王 言諸 数億 講 不 道 時文 + 佛 彼 我 足 道 利 無 如 發意之 威 可 佛 万 神 丸 復 J. 攀喻 之變 世界 (言令) 神之 殊 還復 而 足 佛 百 2 本 所 無 所 世 干 師 以 純 尊 핡 不 大如 衆 吾之 利 頃雄 越 顯 **儔匹悉是我身之不及耳** 姟 者 以 淑 所立 建 復 者 能 會 土 神 何 無 徙 毛蹩況 一尋復 于東方 足威神 神足 立 何 谖 至 侣 即 不 彼 聖旨 諸 丈 十方無量 如其 復 遣 女 深 入諸 所 殊 佛 彼 還 入 獨 説法 不能 威 入 變化 住 師 像三 女反 江 法忍 移我身又 神 鐵 佛 佛 沙 利 會未 無量 終 會所 普至 世界 無極 昧 遷 總 及 佛 圍 不 不 我 4 土 持 正 不 虚 一受而現 干 道 作 可 以 矣文 頂 Ż 無 彼 慧髙 妄 者 其 能 至 作 有 方 自 女 底 思 使獨 カ 無 何 也 捨 威 殊踰人

修住乎於無所 其所 無住 定意 無 者 住 15 生 不 亦 天 向 於是 然 得 興 子 何 稽首足 無處 意不 於全 於 所 正受 以 起 面 可 聽 定 衆 是 产 住 癡 時 四 住 修 念 意止 丈 定意 行 有天子 處 友 何 所 生 誸 倶 所 寧 定 道籍 法 問 諸 殊 亦 下 謂 故 雨 者 我言 女中 誻 無 奉 時 法 師 而 無 可 是誰 名光明幢 意亦 諸 所住 諸 利 於 女口 遵 此 適 四萬二千 來 法 佛 修 以 此 行 興 又 為究暢 是為 無處 大聖 何等定而 起 無所 15 鐵 法 行 聤 念 光 未 圍 因 念 斯 問文殊 住處是 亦 吉 所 文殊 諸 曽 明 山 天子 本末 文 非 幢 产 不 何 頂 相 得 遵 殊 謂 無 行 師 俢 天 枉 修 處聲 四意 意止 師 等 師 諸 使 遣 利 師 住 四 意 行 諸 諸 利 徃 利 以 答 利 佛 闡 问 謂 . 到 法 何 曰 业 止

賢

塵勞又問文

殊

師

利

所謂

則

無

所

壞

其無所壞是

則

名

日

本

末

清

淨

明

者

則

無

所

起

其

無

所

起

則

無所

懷

韭

無

产

則

無

律

儀

其

無律

儀

則

無所

成

其

無所

五

趣

不

見癡

本其

無

癡

本

木

生慧

明

不

生慧

行平等則無偏黨其

無偏

黨則

無

<u>F</u>

趣

其

無

無意無念爲第一

行

其惟

此.

行

為

平等行

其

七・三九七

乎文 問 子 行 殊 天 永 又 問 子 師 無 佛 貢髙 計 慧是謂 而 興思 稱 何 量 而 調 計 塵勞受 圖 惟 乎 1橋慢自. 斷 度 文 速 滅心念有 殊 iŕ 于 師 大有 思惟 惠 利 想 答 产广 常於無所受受止宿 觀察念應不應除 而 日 其識 依慕希望誓願 計 有 身有 退 轉 所 依

去

偙

校

利答日.

假使

有行吾當行之向

者

所

欮

行

何

者然乎一

切諸法悉憺怕

故

向

大

聖

所

不

得

處於今仁者修此

行

村目

無

願

諸

佛

大

聖

所

不

得

處

天

子

又

何

類

佛

大

聖

所

不

日

使

無意無有念者

何

有行乎文殊

市省

利

答

日

何

調意

عَد

切諸

法

無意

無念天子又

問

假

問

以

何

等

定

而

遵

/修行修

四 意

عد

天

思惟 行文 善哉 聖法 復 悉 處 使 所 法 趣 隨 不 天 無 而 文殊 所 子 律皆為塵勞時光明幢天子讃 可分 殊 調 時 歸 所 以 ネ 詵 生 師 戲 所 别未曾有教各各隨 者 說意 稱量 諸 亦 師 利尋告之 見 無所 何 法 利 取 無 萁 快 <u>.Ł</u> 於 切踏法 則 住 成 ivi 所有 説斯 言乃 欲至平等計如是行 亦 日無得妄想於諸名色 不 復 無 受無 可 無 悉無 説 不 現 住 在 亦 能 所 無能 反 痔 所 亦 以 有 稱善哉 無言 説 此 乃 而 四意止 日善哉 欲 講 至 開 辭 宣 放 化 於 逸 假

九 九

幺

毝

龍

問 當 文 在 聍 本為 文 衆生之源爲 殊 亦 法界處於本 殊答曰愚癡 而 切愚癡凡 光 卯 廳 虚 殊 空 法 師 復 斯 復興起愚 明 者 利答旦 獲 空之 衆 界 師 若 不 幢 利 假 細 生 兹 产 虚 界 答 有 不 夫 源 天 在 7 戸 虚 何謂 號 廣 本 天子 衆 際而 泛夫 子 所 癡 不 問 際 但 耳 生 文 不 可 凡 住 文 空之 亦 狹 無 文問 乎文 乏 假 問 分 住 夫為 處 住 殊 復 有 不 斷 無 源 所言 别 無 所 師 本為生 名 逺 無 無 於 殊 名 亦 本 所 住 利 行 有 亦 名 不 有 彼 師 产广 何 不 日 本 向 婬 邊崖 本 如虚 if 何 利 際 行 所 怒 者 ___ 可 以 無方 切諸 際天子 説 答曰生 者何 謂 死 行 癡 婬 爲 所 怒庭 不 源 爲 何謂 無 婬 託 住 長 不 法 無 怒 於 天 獖 本 生 順 亦 死 文 不 如 死 子 立 癡此 乎 本

子一 依志 無有 逮 亦 著 綇 利 想 行 曰 進 不 無所 得 無退 無 住 去 如 威 恭 示 不 根 科律 文 無所 切諸 何 恪 懷 住 神 本 懷 殊 今 生 핦 便 本 歸 憂感 無合無散 如 瞋 疬 無有計 虚 無如是 是為一 文 雨 從 師 此 感 法悉無處所無所 恨 諸 諸 空 殊 利 天華供養於 生 老亦 亦 住 華皆 法 切諸 無所 華 告 師 日是 切諸 依 忍 說 數天子當知 如 利 不可怒常無處所是故 復 時諸 空 法皆 告 住 ÚŁ. 因 失 不 無動不 法悉等 故 何 光 於 語 亦 死 天子 住 明 虚 爲 天 文殊 亦 無 聤 子當知 空中 天 幢 志 諸 歸 無。 歽 子答曰 墮不 於天子 天子 一切諸 而 住 願 師 趣 不 и 無執 利 無將 於 無 此 生 失 摇 諸 悉 文 法 衆 偏 一本 無 無 意所 法 悉皆 法 持 無 殊 忍 黨 不 無 際 住 肵 者 師 則 故將 天 所

者諸

佛

菩薩弟子縁覺所

不能

逮佛說是

士所

可

使生是故天子一切愚癡凡夫之

不得者所謂得者道所不

興無

::所生

者

而

壽及命意識斷

滅計常得好

怒癡

諸佛世

尊

僧

衹

劫所不能

得亦無遠者亦無當得

切

愚癡凡夫之士獨能得耳爲何所得得我人

聞

安能

逮

耶

切愚癡凡夫之士

所

建神足

切諸

佛諸菩薩衆及諸聲聞於無央數阿

聞

等亦

不

能及

所

以者

何道慧無際尚

不

得

利答

日諸

佛不得神足變化威神無量諸聲

無想所

以者

何

一切諸

法等如虚

空是

故

無

者神足巍

競乃

雨不可

稱限

發意之項至於

墮不

揺

畤

光

明幢

天子白文

殊

師

利

仁

方無央數億百千佛土尋即復還文

殊師

佛要集時各還本處於是天王如來心

現文 於文 文 三市退住一 利發意之頃光明幢天子俱 法門天子答曰善哉 王 龍象又諸大聖既共會焉吾在於外 等亦復如是 然不現尋社天王如來之前稽 王 念言吾可現應使文 已法器一切蒙思所以者 及善女人俱 麩 殊師 佛 如來稽首 雜於如是深妙法義其雜意女身續 殊師 殊 則 利因告光明幢天子曰當 捨 師 神足從 利尋即 利 作禮證 統之七币於文 植 文 面叉手恭立十方世界諸天子 外姊師 德本修深 其右掌 知之天王如來念欲 利白天 殊 行 受所問深妙之義 矣 師 演紫 利 妙 宜 何 選請 從 知是 殊 王 見諸 法 鐵 師 金 不 佛若善男子 首足下右統 往俱 利頂 此乎時 特文 光其 大聖 當 圍 不 癳 山 頂忽 殊 今說 至 相見 明照 上 得 德 疑 師

七〇一

截

乱

能

化 絘 與發無極 處 心啓問 以 督江 以故 何 若 枉 不 文 不 他 頂吾自憶 如 샾 等故獨 殊 į. 干 道 出 應受又諸佛 佛 河 妣 於 相 非 法 師 復更念言. 於 諸 沙 土 無 斯 移 利 不 法 教 諸 令大 佛 佛 極 而 受是我 諸 住 教 佛世 其 徙 念一 解 土 微 不 於此 多所 我身捨於 佛 聖友徒我 iv 決 稖 妙 動 世尊 元 如來至 世尊道慧玄殊不 尊察我 首 旦食項編至東 所 經 移 耳獨 不及 歡悅咸 元欲 不見退 氉 典之要我反徒 諸 所 未曾識念而見發遣 佛 宣 不 彼 真 親如來而發念言 著鐵 衆會其雜意 志操 聽 所說 共渇 徙女天王 經 所 去如 所演 道 演 尚 圍 法非 仁者 仰飢 經 小方不可 我 復 法 山 教 住 頂 執 見 相 於 如來 其器 虚道 持在 女安 不 团 鐵 遣 勸 見 此 計 頒 圍 咨

有能 胃 與諸 慧行於文殊師利意所趣云 法 以是 佛 親 師 至稽首諸 所 在 念言全普光 又 以 文 文 無極 利 土 詵 文 佛 何 親見 殊師 殊師 之故 等耳 殊 法 所 法 何 白 謂 飾 以 佛 則 倒 者 切 唯 利當 爲 清 利 如來平如來寧可復觀察耶 以三事自著星 不 佛 利 不 諸法悉無 然 以 何 二一得已身二得 順思想從 聽 徹 界講佛要集經 向者從忍世界發起 可 何等 世尊真 諸 如 所 矢口 切 義欲 常 不 演法當爾之時 諸 미 眼 法 等如意 聽 通 所 諦 倒 彼刹來欲得見 悉無 觀法 如 生 暢 行 礙懷 何從 來所 如 典之義我 É 致 來 行 所 無 諸 諸菩薩 抱 演 墮大 欲見 見 無見 有 古 佛 來 此 諸 諸 意 以 Ξ 經 時 時 佛 來 艱 佛 無礙 逮 如 不 文 佛 佛 至 當 要 1 來 復 及 斯 聽 集

墮斷

滅其行斷滅及計有常不暖了法其如

有所見聞

則計有常若復說言無服無耳

則

法者彼

無

斷

滅

不

計有常矣其不斷

滅

不計

文

有常則無所生其無所生則無言辭以故

師利

見所

,難問黙而無言則爲答佛說是

時六百菩薩尋得無所從生法忍爾時世

身獨 遣住 生所可顯現諸佛國土不想衆生等說 昧定現於無量無際世界度脫開化無 不 光明普照靡不見者月之所照不念遠 想無他人想猶月官殿未曽動移下於人間 諸佛無諸佛想聞所說法 從此刹到他佛土在諸刹 我想蠲除一切諸念妄想女住此定普聞 說經法若不 說乎永無佛想亦不想法無彼 尊告艾殊師利仁 而 万無央數核百千億載現在佛工諸佛說法 而正受矣心永無念諸佛來至若不來耶 想念我當照其若不照也此女如是住三 無所者所可聽受為他人說又此女身 鐵圓 存不出是雜意女普月雜 山 頂 又仁復問 以三事著於玺礙以 無經法 土無利土想處 以何 垢 因 縁離 想無吾我 光明三昧 数衆 近亦 意女 經典 故

等意究暢慧義發遣此問世尊告曰是族姓

然不言以報

如來諸菩薩問唯諾世尊以

何

解深法忍權慧悉備靡不通達智踰虚空點

子文殊師利心自念言設我報說有此眼耳

義所

以者

何如來向者有所難問點而

無言

念言文殊

師

利實不

堪任

答報如

來所問法

黙然無言於時彼會餘菩薩衆各心

天王如來知諸菩薩心之所念告諸菩薩止

族姓子莫觀文殊師利想言不及所以者何

七〇三

龍

藏

者 於如 倫 何 若 能 百 見 此 竹 遣 則 佛 熦 <u>i70</u> 此 千 盡 斯 於 留 充 所 吾身班宣道 蘆 狄 文 見於吾一如來 刹 亦 耶 姟 暢 文 羅 道 滿 建 佛言 殊 諸 殊 劫 土 得 甘 勿 諸 蔗 立 平 眼 Ξ 真 佛 師 其 復 師 菩薩 千 神 會 邊 陀 利 淌 £ 稻 利 相 默文 羅 大 足 麻 Ξ 時 白 際 女口 如來 千 來 摩休 泉 千 變 叢 化 佛 其 劫容嗟歎 徙 身亦 天龍 世 文 大千 諸 化 殊 其 女 變 林 界靡 豈 书 不 殊 勒 功 諸 化 師 此 世界 勲不 P 薩著 佛 利 況 師 復不 人與 如來 ~ 鬼 稱 所 神 無 餘 土 利 不 此 離意 可思議 諸菩薩 非 充 聞 集 建 得 他 且 揵 周 限 大無一見 登都阿須 絘 徧 其 觀 滿 界 誻 其 立 稱 得 諸 身 数若 諧 所 限 平 如 佛 女 來 微 巍巍 德 說 佛 攻口 以 如 衆 來我 者 妙 斯 偤 至 法 億

名矣 眼五像 盡 身無有 憺 其 無 來 未 化 有 此 十 身 貌 意 怕 如 四 眼 無 亦 Ξ 2 如 威 一千大 有 來 何謂 無有 無處 也 見 曰 則 則 無見 虚 身 法 儀 為法 也 好 不 無 限 諸 身觀 干 亦 齊 文 空 眼 五 可 亦 禮 所 復奉五日 身無有 如來 而 應 眼 捉 是 天 節 如 世 虚空 界 龍 反 文 持 師 2 故 所 是 利 佛 隨 殊 佛 無 曰 欲 文 行齊 周 神 無有 肉 親虚 觀 無 眼 無 色像 殊 向 類 旋 騎 揵 者 眼 整亦 此 五 漏 師 沓 其虚空者 無 徃 示 起等 所見 現色 諸 無 空 諸 佛 利當 來立 眼 生 曰 次口 如 色 而 無 漏 身無 不 來衆神 來 諸 亦 天 不 身三十 無 妨 坐 起 及 至真 無見 如來 假 可 無 眼 因 卧 漏 礙 人 斯 見無 Ξ 縁 見 有 諸 諸 鹳 曰慧 者 名 貌 無 寂 假 漏 諸 女口 有 無 聞 如

千

大聖

尊文殊

師利今此

女子從

三昧

諸 聲 昧正 所至 不 世 於是 ⋞ 寂 切 髙 三 曲 一味不 传者各各 其 妓 能令女從三昧 妓 間 靜 彈 仁 八樂各各宣 樂 一受現大 心彈指 人民諸 文殊師 清 俱 指 不 可問之發道意來 其彈 欣 時 不 從 興 和 之聲聞 鼓 然於時諸 同 定 文 警揚 天龍 問 神足三千大千世界所 起 指 作 自 殊 利 聲 無 鳴 於 聞 佛 演 師 数響徹 起時於十方今現在 時文 諸 柔軟音清明和 及復 神捷沓恕等億 利 佛教 仐 聞 大音 佛 Ħ 於 即 佛 祀 各謂侍 欲令女起其女寂 土其音柔輭 何 殊 + 如其像變無限 詔 故 即 方無數世界 聞 師 作琴瑟筝笛萬 能 諸 十方無量世 從 利 **外如當見** 即 大樂音無 者有族 座 雅悲哀 如色像 起 百 悲哀 到其 有衆 1 女亦 佛 姓子 姟 身 種 生 女 Ξ

王佛

今此

女子發無上正真心已來久如所

真道意已來不

可計也勤

仂懷信常

無放

逸

寂寞誓願

髙遠定意若斯佛言發無上

JE.

戒忍

進

一心智慧

真足

佛

道

所

作已

備

佛教

於過

去

佛

植

衆

德

本供

養無數億

百

忍

此患不當違捨

如

是

此

養文殊師

利

問

天

此

加

來尊

惟願

大

聖今見大乘無極

聖慧

一 人

故

恒

邊

沙

劫

地

獄見夷行

菩薩

道

宜

形

響誰

來

誰

去

何

所

解

說

分别

經義但

共

見

者故

當

顯

無

極

深

妙

法

教

時

彼

佛

土諸

會苦

威

神

建立

₹

所

感

動 所

以者

何

用

仁

異

'n

同音舉聲讚曰

至未曾有驚喜

恱

佛世尊威

神

變化巍巍若此十方如來皆

來

會斯充滿

佛

土吾等菩薩不見一佛不

憶

七〇 五

fi

樂 菩薩 通 如 從作 寂 \equiv 普光 鬼 此 族 清 三昧 定 時 眛 Œ 諸 女從 徹 世 神 真道意各 = + 子之所言也 寂 間 化 揵 名 和 面 然巍巍 眛 方 妓樂 Ż 侍 起 三昧 文 界 如 **沓恕等若干妓** 普 無量 如 曲 文 者 不 殊 月 天 仐 殊 覺故感 女績三 白 能 亦 師 離 王 歌 佛至 復 使 師 此 利 不 不 垢 如 與以是 女 頌 如是 利 可 此 被 可 來 光 女三 味 末曽有 計會衆生 獲 痲 時 言 大 動 明 其 樂億 而 德 文 致 願 限 不 如 = 土 殊 之故 味不 鼓 神 如 此 令 鎧 不 昧 有 我等 飾 足 興焉 是 百千 ネ 自 諸 過 而 女 (中建及 之類皆 無 利復 ij 諸 鳴 名 世 不 JE ~逮得如 思議 諸 大音 姟俱 極 間 受矣 欲 退 日 變化 如其像 轉 佛 **今** 人 離 發 此 樂 說 干 自 告 天 此 意 欲 有 無 是 女 普 然 龍 種 令 日 女

彼女以權方!世界其女三十 諸 方 拍 黒 亦不能令從三昧 形 相 江河沙等諸 女以權方便 昧 聚 女彼 亦 搏 山 山 可畏其聲 著右 從三 如是展轉相數各各崩 女江 如大雷音聲暢逸無 令 其女身著其右掌過 不 目 正受變三千大千 女從 能 鄰 昧 掌 河 自安譬如勇士 4 三昧 與文 昧 甚 大 挑擲 沙等 亦 E 佛 两 悲 文 梵 殊 興加 興 刹 手牵女欲 不 鄰 諸 土 於 師 移 彼 天 佛 بلا 復興 時 不能 與時 大聲 鐵 復 刹 利 世界 截 以 於東方 文 在 土 不 圍 梵天天 大勢力 聞者須 皆 落諸 殊 顯 文 斷 移 令 聞 須希+-大 女大 部 殊 其 起坐乃動 鐵 拔 於 切勢力 女 師 利 無 山 圍 بل 反 如毛 所 利 躃 彌 两掌 仰 王 復 4 從地 坐 地 鐵 展 雪 不 不 無 髮 近 能 欲 其 坔 際 圍 相 山

菩薩所行

不

可攀喻文殊師利舉雜意女至

者慕樂如斯無極大慧亦當歸之所以者何

方諸佛刹土周旋往來所感動聲不能

復凡 從三昧與佛報文殊師利唯有總無限文殊師利問佛誰能堪 此 復欲使從三昧興未之有也文殊 具足一劫若復過劫不能令女耳聞音聲況 報文 起復有菩薩名棄諸陰蓋亦能 界舉一大桴如千世界於是女前過此大鼓 量時彼忽有大丈夫現其身高大如三千世 大鼓别異世界鼓大亦如其鼓乃爾 生令發道意不可限 令女從三昧興當爾之時開 此 不可思議一 女三昧寂定靜安終不興移道慧 族姓子名德之勲三千大千世界六反震 無所能逮乎猶如三千大千世界成為 《殊師利誠如所云菩薩大士所被 切聲聞若與緣覺所不及知況 人成衆德本天王 化 使興 任感 如來能令與 十方無數衆 師利 動此女 佛適 如是 廣長無 德鎧 如來 欲 威

周

旋行

來談語於今顯現無極神足變化感

可逮及思惟稱量吾能令變虚空諸器

起

立

不

天王如來唯然大聖諸菩薩行至未曾有

移十方界永不能使從三昧起吾當謙恭爲

女作禮及復餘學大士之衆諸族

姓子族

姓

初發無上正真道意者已成未

成

南欲學

動揚大音聲崩毀須彌鐵

圍諸山拔諸

佛土

落音聲可畏

兩諸天華其響暢逸無可

為喻

復如是十方刹土衆音妓樂悉鳴諸

北

方四維上下各江河沙等諸

佛

刹

不能令女從三昧與於時文殊師

利舉

女投

編於十方不能令覺還安故處叉手前白

能

箴

神足 薩 法 界 欲 善哉世事願 者 所 動 向 諸菩 得 在文 為大 者適 心之所念亦 在 前 天 味 無極 見棄諸 佛 方 問 王 其族 興開 薩 殊 震 皆 歎 佛 面 佛 道 聞 師 懷 棄諸 歎 為 動 言今 邊 聖使 姓 示不 垂 利 又 陰蓋菩薩大士如來普愍唯 飢靡 有 何 因當習學至真之義 斯名者其地 其 子 威 自 亦 虚 及他方諸 陰蓋菩薩 何 一菩薩 光一 爲 及 族 敬 佛 復俱然文殊 欲 因 姓子詣 樂欲 在 時 報 得 縁 燈明 見於棄諸於 切會者悉懷渴 名 何 地 日 令女 **下** ナ 亦復 大震 名 佛 日 王菩薩 何 斯 刹 故 熔 10三千 與白 土 師 六及 佛 佛 過 動 明 并 陰蓋菩薩 諸 刹 利 土 佛 此 Œ 見諸菩 土其 震 天王 大千 如來 大 講 告侍 江 使 土 仰 動 此 演 河 佛 等 問 佛 顯咸 土 女 時 者 深 世

稽首 明続 諸 指 快 照於下方江 純諧 陰蓋菩薩自念今何以 王 大士 其 宜 頂 **陰蓋菩薩之** 佛 欲 演金色光其光名 刹 吼 告義為佛 是 吾七 所 遊於彼 土如來 苦薩 足 如來 相 佛 見 今 下 刹 聍 白 土界 彼 時 币 被 師 至真等正覺 其佛 没其 侍 恒宣 子 如 便靡 河沙等諸 國天 大 身繞 者前白 來 徃 德鎧 鷹 欲得 言欲 諳 頂 象 王如來自在其座右足 不 爭尋 2 日請諸菩薩適 退 不 師 頂 故柔 七市 現在佛 轉 佛言我等欲見普光 詣 子 佛 乳 相 可思議具足充滿 鷹象頂 刹 輪 上方普光 即 見佛言往 如來邊有 灰頼清 於頂 說 號 棄諸陰蓋菩薩 矢口 土 法 之天 其 日 彼 師 乳 和 上 明 子 無極 2 世界 没棄 則 放 族姓 如來 王 菩薩 佛 此 如 曜 光 明 諸 棄 旃

無量聖體康寧進止輕利勢力安耶

時

海中别一 諸菩薩 此三昧尋如所念即如其像 寧可思察吾本往世所修妙行縁是必得成 了諸身三昧定數不可稱限向者三昧如 衆會性 載仁者造來所未聞名文殊師 神使不得現文殊師利心自念言吾當以是 佛言在上虚空中解 利棄諸陰蓋菩薩威變又問世尊今為所 誰 难有是一解了諸身三昧定乎莫造 蕯 三昧正受求諸菩薩為在何所棄諸陰蓋菩 音宣傳意敬文殊師利問天 即 之聖旨雨此衆華演微妙音佛報文殊 知輒便没 衆何 未曾有誰 滴 耳我身 以 形而謂文殊師利於意云何 不現佛言棄諸陰蓋菩薩威 2 威神令 諸定三昧坐 了諸身三昧正受又 / 彈 此 王佛唯然世 利 一與不可 指項 復自念言 斯 觀 在

與五十

萬菩薩

没彼佛土發意之項至普光

眼者對觀

人

面

悉了了分明一

切衆會見天

佛亦

復如斯及諸菩薩時棄諸陰蓋菩薩

身獨顯如紫金山其佛光明瑜

日

月

明猫

明

天王如來諸菩薩衆眷屬圍

続而

為說經

佛

方江河沙等諸

佛

刹

土

通普光界悉共造

見

世界及

天

Ŧ.

如來師子鷹象

頂乳

如來

至

一覺則從

可之尋時演

出眉

間

相

光照於

上

其像

面

現瑞應顯示神足空中散華斯

墮

如

諸菩薩解了

諸身三昧正受棄諸

陰蓋

qg

如

天王佛

頭面自歸繞之三市退住虚空時

天王佛土棄諸陰蓋與諸菩薩偏

出右肩

説

微妙義師

子鷹

象頂吼如來

至真正覺敬

其華皆散

天

王如來

前後左右

此

華暢音

七〇九

藏

龍

棄諸 **所訾化** 殊師 諸 利 唯垂當現此 三昧與稽首佛足統之三币退在一面 虚 精 諸菩薩尋即 隂 百千 미 彈指項 空界者 動 蓋菩薩 蓋 進 陰蓋菩薩感 利寧相見乎答曰不見天王如來告棄 聍 之業 昧 作 劫勤 與諸 揺 道 起 向 王 無有二 當 苦薩 華而 諸菩薩衆會族姓咸欲見之棄 者 輒 佛 而 取來衆會感欲相見當自現身 悉具 致 積 告衆菩薩 以 文 受教與諸正士菩薩之等從 超 其名 殊 此 德 坐 稽 其上 睐 女子令三 踰 之文 師 乃逮此定今者文 首 殊 從 亦 利 佛 於是 不 殊 特之義諸餘 定 而 諸 足 典起 起 發 尋没 族姓 師 昧 文 此 耶 利 若以 又虚 言感 起 殊 白天 其身 答曰且 師 皆 色乎 今是 空者 菩薩 利 如本 £ 殊 問文 共 佛 師 觀

菩薩衆一 蓋菩薩 諸 無 找任 法悉 令興 興 藏至真如來 我不堪任於 爲 從 法慧無壆礙 法 與 何所法乎 彼 £ 火 一佛以與 永無正 能 起 亦 識 眛 無 Ξ 起見佛 其識 汝族 無本 興立 千大 令此 耶 三昧 計色自 受當 欠意三 應當感 淨亦 姓子 自然 假 如來前興顯已功我身宜當覆 亦 千世界 隨 女從三昧起 正受者及 使 道 時 無 文 不 不 然 感此女人從三昧起 存 何 神 說 爲 殊師 正受 七天 林正 斺 不 諸 法靡 此 莫不於院皆發道意時 興 爲 正 與彼 天 女 八從三· 受亦 利諸 無所 王 所以者何一 受適定意已 龍 如來至長普了 不 眛 如 女皆從定起適 神及 通 與起今我當 來告棄 法 不 亦エ 暢應當 典起 三昧吾當 昧 世間 興正 正 受 切諸 白 應 令女 諸 亦 使 陰

音聲

而

起耶女又

問

日其法界者寧有三

復興起

耶

文

殊

師

利答

Ħ

不

也女又

問

日

不三

眛

可令

起

耶

寧有色像

比

類

貌

耶

文

利

報

口設

無形像比

類

貌

者誰三昧

平

無

微

妙

逮三

昧

則有所得與發曠大

無極

/七・三九七

間 其女答曰諸法本淨為三昧也不復定意 無所 文殊師 聞聲文殊 干 言又問其虚空界豈有此念今是 答曰常無所 切諸 女黙無言文 悉除諸想不自念言我三昧 能 報女又答曰不為不 裹菩薩如是 念是我入大 見者為 種 若干種 與是 悲和音耶答曰不也是故文 法等如虚空誰 利大 故諸法悉如 師 何 恒常 樹 亂 殊 像 得 利 樂寧能 師 問 而 類 雜意女復問 風 奉行 動 起 利 曰 風 聞 而普流 聞又問何故默然其 摇 無 復 女 演 呼響 想念 無 彼音若有 出 摩訶 問 之 如是至 若妙音不 樹 耳 譬如諸 般若 文殊 耶 亦 樹 布 定亦復不 無 何 不 X 三女黙 人妓樂暢 師 殊 大 念 耳識 波羅蜜 所 以 白如姊 天及 不 利 師 入我 思 樹 聞 乃得 裹 緧 利 風 世 不 不 無

妄想寂寞

定三昧永

無逮得所

以者

何諸

佛

世

尊所修道慧無所

得也其有得者則有

:所失

其寂静亦

六三

昧無有正受

亦不興起文殊

法儋伯

黙然

寂

靜

其寂

静者無所復寂

又

師

利答曰誠

如女辭

女之永定甚爲殊特

設

空僉兩

青蓮

紅

黄白

蓮

供養

如來於是文殊

師

利問

離意女

至未曾有寂然之

行所得三

昧

不

可逮及其女報

日文殊師

利且止勿懷

從座起

十方尋

時

六

反震動

咸皆踊

上

住

空中當爾之時無數

有千諸

天來會女住虚

七 一 一

縅

馜

不懷恭 無所 即從虚 故 衆生居業衣被飲食諸所興造不離虚 +九~1 空所以者何衆生之類悉依虚空周旋 利 如來言實不 此 也其女報 衆生自然遊空一切諸法虚空見印時 計於本無 問 事 利 亦不瞻謝 珠 文殊師利見如來乎文殊師 作於意云何 何謂已 起 日姊宜當從虚 其女答 格不 所 空來下退在 以者何 恭恪 及如來 文 日以是之故 禮 行其女答曰一 E) 殊師 如來 我 其本無 所 立 以者 尊無 利問 切諸 黙然坐乎其女答 .一面蓮華上坐不 已行不用他行文 空來下住如來前乃說 佛 者寧可禮乎答曰 何不 法悉本淨故 有二也當等觀之 雜意女女甚 切衆 不可 有 生皆因 禮 利答曰等 所 所 作 亦不 以者 百審 憍慢 空是 徃 禮 殊 女 虚 師 如 來

答曰無也又 止勿懷望想仁有慧觀達諸法者有男女乎 於今何故不轉女身其女答曰文殊師利 答曰如是觀者為 風有男女手答曰無也虚空曠然無 無 者 觀 等故以是等觀以無形像是故等觀吾之 也 眼 觀之耳又問以何等觀文 其女報日 見處所有 也痛想行識有男女子答曰無也地 亦不當說 無所見乎答曰不 所說文字本末 平等如是 何 躴 無 所 其女又 向 問諸計於色者有男女手答曰 生亦 有無之行文殊 男女手答曰無也又問 者何 無 無所見 有 故而發此言於今何 所 以肉 問如是等觀為 處所得男女手答曰 起 殊 綇 眼亦不天眼 其女又問 師 師 如 利問 幻 答 化 見何等 文 有邊 其女 為 不 殊 水 以 所 有 無 肉 且 ツス 不

言汝發道意

為幾何

手如

是所

悟

非

問

理

切諸

法

悉

如

タン

化

侚

者

文

殊師

發

此

問

7 利三所

以者

何

處所

其無

處

所

彼

無

所

生亦

無

所

滅

文

又

問

設

如文 是

者

所遵

何

所

應

順

智慧

以者

何無

所生

者

不

可令生亦

不

可

午

覺不 弘誓鎧 興 問 故答日 於 極 法 利 應順 為逮得無所從生法忍乎答曰不也 日女得法忍來為幾何乎答日 切衆生 女親 滅 切衆生無 世 現世間乎答 問 忍 度衆 所 度故云何 亦 其 何 田 何義被 叉 其無所生則無所得以是之 故 尔 炏 無問無言是應智慧又 女答曰其無所生則為 一從虚 者 問 逮 出 生當來現 成 何 滅 何 遵 無 故 無所從生法忍文殊 受具足 文 弘誓鎧發道心乎其女答曰 度 曰 答 欲 出 殊 故是故菩薩 修 曰一 斯 使 文 師 在 戒 無 殊 者 利 亦 切来 為 無 造 師 無 諸 無所 ٤Ľ 利 调 作 所 一發於道 無 應 丘 去佛 復 生及 不 問 乎 也 順 作 作 佛 問 所 又問 文問 文復 故 與諸法 文 故 其 師 平 火 以 心修 者 等正 不 何 利 得 何 問 興 何

當以

何

因轉

於

女像成男子乎所

以者

何

是

際空靜虚空無合無

散一

切諸

法

悉

如

虚

空

捨女成男子形

計於諸法

無合

無散無本

本

捨女像當受男形我

不得

女不

見男子何

轉女身假使我

自得

女處

男女

則

為如

來

Ż

所領宣第一法教

又

問

女口

來

E

眼

男女者無合無散則無男女文

殊

師

利

又

問

無男女耳鼻口身意亦無男女假

使

諸法

無

女日汝發道意為幾何乎

其女答

日

如

约

師

神

鮨

所存吾發道意遠近亦然

乱

龍

者 者 又 毣 礙 演 說 樂 又 吉 言 曰 之義 問 問 造 文 疑 辯 耳 乃 爲 辭 欲 遵 遵 所言 說 反 問 文 調 才 又 得 結 答 修 殊修 文問 行今 無 叉 其 辩 礙 問 而 曰 具 所 行 行 辯 問 師 無 文 不 足 才 以 不 才為 無說 虚 處 答 利 處 樂 殊 順 又 垩 何 生 五 令 空逈 其 是 奉 問 諸 說 信 礙 師 屰 日 平答日. 所行 於 何 法 礙 其 利 不 何 有 樂 無 然有 修行 謂乎其女答曰 女答 Ξ 界 謂 闍 白未 答 何 所 故 者 奡 無 蔽 結 本 起 曰 叉 無 曾有 辩 行 是 際 釈 悉無所著 所 礙 無 問 E) 以 答 生 說 遵 オ 無 前 E. 無 而 所 誰 答 是 手 無 本 當 修 何 曰 壞 難 肵 ᅶ 其不 是 者乃 文 故 及 所 行 因 文 說 日 信 無 無 殊 我 咨 難 殊 謂 文 行 又 女 問 身 嗟 樂能 修 師 所 信 存 所 節 及 如 此是 生利無 無 師於何行 生 利 所

喻之何 其 王利 傪 言 狻 文 何 佛 文 德 今所宣 天此 道 殊 道 在仁之前 當 於 殊 女 佛 又 淨 言 刹 重 師 行 成 亦 痔 師 可成 問 從 土 不 之善 利 女 文 利 最 如成 謂 汝 寳 過 可 一暢巍 慧 若 答 當 乎得 稱 殊 成 問 文 JE 一覺吾亦 最 唯九十 Ŧ 如 此 明 日 殊 乆 功 限 師 如 女本 劫文 道 來 勳 ĴĒ 巍 不 飾 處 假 利 覺)無言說以是之故 成 六億 利宜 之快 興 可 使 白 所 女中 思 佛土云 最 從 咨 發 殊 是 天 耶 如 嗟 道意 於 議殊 因 百 當 斯 師 文 發道意來 王 ĴΈ 於 覺其 從 恒 利 7 佛 何 殊 欠 何 仁者意 於 實成 佛 至未 彼佛 遪 姟 異 時 師 後 主阿 佛 Ł 沙 所 誸 利 發道 乃發道 德 僧 號 曾 劫 如 其 不 則 而發道意 來 祇 包久 有天 不 應 時 無 何 所 曰 能 意 國 以 矢口 嘿 黙 劫 類 趣 如 云 土 佛如 然 為 遵 中 也

七·三九七

當更如三千大千世界地塵華實上塵更若 時此女作轉輪王名 三昧所欲能 非女人亦非男子所以者何以逮曉 女彼 世之時爲女人耶答 現隨時顯化文殊師利此女 白無 數文 殊師 百 利 不 當 7 如 知

饒益乃念過去當來諸法文殊師利答曰誠 善逝世 尊在大 如仁言所可饒益不可窮盡 是棄諸 除蓋菩薩大士俱講辯才所 干數百千阿 正覺號曰普光如來至真等正覺明行成為 土 放天 地所有嚴淨功勲此女亦然等無有異於 功熟佛土之 閰 陰蓋菩薩白天王佛文殊 王如來謂文殊 解 無上士 僧 抵劫當得無上正真道成最 道 中亦如寶成如來至真 師 法御天人師爲佛世 利 申 以者何此 仁者莫與棄諸 以 法界 師 利 族姓 多所 不可

大千世界人民為一勇猛令如文殊師 者文殊師利不及知其名號假使 萬倍億倍於百千劫不逮此女所 此衆生皆亦如斯不能速及三昧百倍 新學心之所念告善調菩薩族姓子合三千 何時彼會中新學菩薩各心念言棄諸 正受若所興立仁者不及其三昧名號 子 逮棄諸陰蓋菩薩大士所致三昧定力聖慧 世界遊居衆生令得定慧如離意女皆不 不可逮及普無等侣行如是慧天王如來知 下 定慧如棄諸 薩之力之所 百千億倍無 ,所得辩 足舉動進 才不可思議棄諸 興發正使十 以為喻不能察知棄諸陰蓋菩 **陰蓋菩薩聖慧不及如來舉足** 靡 止之所開化如來聖慧不可思 方一切衆生悉得 陰蓋所建 獲三 三千大千 | 味定 字云 怪蓋 千倍 利

七 五

器 利今發道意如文殊師利等東方世界如江 各舉數曰令我等身逮得聖慧亦當如是彼 化 於 復 離 佛 悉女所化 泂 溡 七萬二千人悉發無上正真道意異 푬 如是 沙等 世尊告善調菩薩是離意女本勸文殊師 此 意女使發道意八維上下各恒河沙等亦 說 如來現在 在 此 得 世 使 教化 語三 自鳴 成 所 南 發道意乃往久遠 如是 佛 開 又族姓子棄諸陰蓋菩薩大士勸 オ 7 其滅度者不 道 如我等類在於 不可攀 飛鳥禽獸相 化 西 亦 者 方 大千世界六 轉 北 如離意女等無差特令我 方 法 踰 四 輪本因族姓子亦勸 時 過 維 佛歎 向 可稱限皆見開 悲鳴自慶鳥 反震動 去世 上下 十方各 此 時 亦 諸 江河 須彌 一一一 復 þ 佛 同 如 是 樂 沙 化 旛

冥覩 者若: 迦 勒菩薩亦 悉聞 若有菩薩供養過去諸滅 後末世少有信者 六百世間人 意又七萬人愈復逮得無所從 法者六十四 人皆得無所從 於慶說是法 得 白 千比丘意解漏盡 文 佛 値 於後 /佛告彌 唯當受 斯法咸共勸 明 佛 婦 聖 世所 受 女 地 億諸 民遠 珠琛 獄靡 此 之 時普光世界九十二載諸 勒菩薩 餓 流 法 生法忍於是世界承 如聖所教 塵 天及人 唯 五 益 鬼 布處若 助代其依豫於慶無量 相 悉 離 以 百 擹 仁當 加 作 相 恭 垢諸法 比丘 得 皆發無上 受此 受持者德 付便得廣布 敬 解 度佛又見十方無 聲當爾之時 不 敢 尼 於 腉 1 一經典之 眼淨 心量 違 生法忍萬四 斯 中 解 命此 佛 正真道 佛威神 於 腉 不 土 恱 要於 是釋 可量 聞是 莫 豫 天

其身所在遊居不更胞胎常得化生所以者

懅不開常識

宿

命逮得總

持三十二相莊嚴

未成佛頃世世所生常值

佛世棄捐八難諸

是彌勒菩薩 得聞其名然 何諸 不 歡喜稽首 大正士威神廣大不可稱 諸天人 後 作禮 亦當逮得如 民阿須 倫 此 功勲 計若 閚 佛所 佛說 有 説 莫 女 如

諸佛要集經卷下

音釋

無限量佛言若有

惘 無文錯毫陵 知紡甲可日之 意切也亥氂切 切桴 蘆 鼓音 華落 杖浮丸胡 + 世擊 勿 擊陟警告 也瓜软定 切也切 数 切於切直 陵 觸庚

我

今現在若滅度後假使女人

聞雜意女名

德之稱棄諸陰蓋菩薩之號天王如來并此

經法

身得為男子疾成無上正真之道為最正覺

因聞斯經名德變化竟是一世轉女人

聞

而悅

信者福

多於彼供養諸

佛

佛 語 彌

勒

菩薩受是經法持諷

誦

讀為他人說得

一反

趣其數浩浩不可稱計福

去當來今現在佛等奉無異福寧多不彌勒

於當來世悉供養此諸如來一切施安過

白佛多矣世尊吾聞此喻其心惘然不識所

長存一切聲聞并與緣覺及其菩薩若有

聖尊及諸發意建志學道方當學者悉令

極

七·三九七

쓦

能

七一七